

UTUMIKI WATHU WA UMAMBO

NTHANDA YA MALUWA YA 2013

SUMANA 8 YA MALUWA

Nyimbo 43 na Phembero

Pfundziro Ya Bhibhlya Ya Mpingo:

lv nsolo 12 ¶1-12 (mph. 30)

Xikola Ya Utumiki Wa Mulungu:

Kuleri Bhibhlya: Machitiro 15-17 (mph. 10)
N.º 1: Machitiro 16:16-34 (mph. 4 peno zaku-cepa)

N.º 2: Thangwi Yanji Nkristu Anakwanisa Ku-khala Wakutsandzaya Pakutcingwa?—Mat. 5: 11, 12 (mph. 5)

N.º 3: Kodi Mbipidakwanisika Tani Kuti Mu-nthu M'bodzi Akhale Ciomboli Kwa Pikwi Na Pikwi Pya Anthu?—bh nsolo 5 ¶9-11 (mph. 5)

Nsonkhano Wa Basa:

Nyimbo 75

Mph. 10: Njira Zakumwaza Mphangwa Zadi-di—Kutsoglera Anthu Acifuno ku Gulu ya Ya-hova. Nkhani yakubuluswa m'bukhu ya Organizados, tsamba 99 ndima 1-3. Phembani anyakubesera toera kulonga kuti asaphatisira tani bruxura Cifuno ca Yahova toera kutsoglera anyakupfundza awo ku gulu ya Yahova.

Mph. 10: Yeserani Yahova, na Tambirani Nkhombo Zizinji. (Mal. 3:10) Bvundzani apainiya a ndzidzi onseni awiri peno atatu. Ninji pi-natsandzaya na iwo m'basa ya upainiya? Upainiya usaaphedza tani toera kukula mwauzimu? Aphembeni toera kulonga cakugumana naco cakupambulika cidakhala na iwo. Pakumalisa bvundzani amwazi mphangwa toera kudinga kuti anakwanisa tani kuhala apainiya a ndzidzi onseni mu nthanda ya Nyenzi.

Mph. 10: “Towezerani Citsandzo Ca Aprofeta —Yoeli.” Mibvundzo na matawiro.

Nyimbo 54 na Phembero

Towezerani Citsandzo Ca Aprofeta —Yoeli

¹ Kodi mprofeta Yoeli akhali ani? Iye apa-ngiza basi ene kuti akhali “mwana wa Patwe-le.” (Yoeli 1:1) Mprofeta unoyu wakucepeseka

1. Tinasangizira tani kucepeseka kwa Yoeli pakumwaza mphangwa?

akhagomezera mphangwa za Yahova, tayu basa yace ninga nyamphangwa. Mu njira ibodzi ene, mu utumiki wathu, mbuto mwakusaka mbiri peno kudziwika, tisalonga pya Yahova mu kuhphatisira Bhibhlya. (1 Akor. 9:16; 2 Akor. 3:5) Kusiyapo pyenepi, tisawangiswa na mphangwa zinamwaza ife. Kodi ndi pinthu pipi pya profesiya ya Yoeli pyakuti pinaticitisa kukhala aphinga, na cidikhiro lero?

² ‘Ntsiku ya Yahova iri Cifupi.’ (Yoeli 1:15):

Meseze mafala anewa alembwa mu pyaka pikwi pya ndului, tiri kuhala mu ndzidzi waku-kwanirisika kwawo. Kufudzika kwa makhaliro a dziko, kuhondwa tsalakanwa na kusingirirwa kunagumana na ife mu utumiki wathu kusapangiza kuti ntsiku zakumalisa za makhaliro ano akuipa ziri cifupi. (2 Tim. 3:1-5; 2 Ped. 3:3, 4) Munanyerezera ife pya ndzidzi wakucepa uda-sala, tiri na mathangwi onseni toera kuikha utumiki pa mbuto yakutoma mu umaso wathu. —2 Ped. 3:11, 12.

³ ‘Yahova Anadzakhala Mbuto Yacitsidziki-zo kwa Mbumba Yace.’ (Yoeli 3:16, Tradução do Novo Mundo): Mwala unalongwa pa vesi iyi, unaphatisirwa basi ene pa kutonga kwa Yahova pa ndzidzi wa nyatwa ikulu. Tisathondozwa kudziwa kuti Yahova anadzapulumusa atumiki ace akukhulupirika pa ndzidzi unoyu. (Apok. 7: 9, 14) Munacita ife basa yakumwaza mphangwa mbationa kuti Yahova asatiphedza na kuti-wangisa, tisakulisa cikhulupiro na tisapirira kuti anadzatiphedza mu ndzidzi wa nyatwa ikulu.

⁴ Ngakhale kuti mphangwa za Yoeli zalongwa na munthu wakuti akhaoniwa ninga ali n'cidi-ma, mbwenye zisapasa atumiki a Mulungu ci-dikhiro toera kupulumuka. (Yoeli 2:32) Natenepa, tendeni tikhale na cinyindiro na phinga mu kumwaza mphangwa zadidi za Umambo wa Mulungu munabvesera ife mafala a Yoeli 2:23: ‘Sekerani, mbamukomerwa thangwi ya Yahova Mulungu wanu.’

2. Kodi ndzidzi wakucepa udasala wa ntsiku ya Yahova usatikulumiza toera kucitanji?
3. Thangwi yanji utumiki ndi wakufunika mu ndzidzi wakuti tikufendedzera nyatwa ikulu?
4. Thangwi yanji tisakomerwa mbatikhala na cinyindiro ca pinthu pya ntsogolo?

SUMANA 15 YA MALUWA

Nyimbo 48 na Phembero

❑ Pfundziro Ya Bhibhlyya Ya Mpingo:

/v nsolo 12 ¶13-22, bokosi pa tsa. 140 (mph. 30)

❑ Xikola Ya Utumiki Wa Mulungu:

Kuleri Bhibhlyya: Machitiro 18-21 (mph. 10)

N.º 1: Machitiro 20:17-38 (mph. 4 peno zakucepa)

N.º 2: Kodi Ciomboli Calipwa Tani?
—bh nsolo 5 ¶12, 13 (mph. 5)

N.º 3: Tinapangiza Tani Kuti Tisanyereze-ra Pinthu Pya Nzimu?—Arom. 8:6 (mph. 5)

❑ Nsonkhano Wa Basa:

Nyimbo 92

Mph. 10: Khuyani Ntima wa Nyakupfundza Wanu. (Luka 24:32) Nkhani yakucedza. Phatisirani mibvundzo iyi: (1) Pakucitisa pfundziro ya Bhibhlyya, thangwi yanji mphyakufunika kugomezera (a) ufuni wa Yahova na udziwisi wace? (b) kuphatisira midida ya Bhibhlyya? (c) kusaka ndzidzi onsenetse citsogolerero ca Yahova mbatidzati kucita cisankhulo? (2) Munakwanisa tani kucita mibvundzo iyi inatowerera kwa nyakupfundza wanu toera kukuphedzani kudzindikira khala musakhuya ntima wace? (a) Kodi pyenepi pisakuphedzani? (b) Musaona kuti pyenepi ndi pyakubverana na ufuni wa Mulungu? (c) Ndi maphindu api anakhala na imwe mu kuphatisira uphunu unoyu?

Mph. 20: “Aphale, Mukusaka Mabasa M’mpingo?” Mibvundzo na matawiyo. Mwacigwagwa bvundzani nkulu wa mpiango peno ntumiki wakutumikira wakuti akhala na mwai unoyu wakutumikira mballi mphale. Ndi mabasa api na pipfundziso pipi pidatambira iye mbadzati kukhala ntumiki wakutumikira? Kodi anango m’mpingo amphedza tani toera kuthambaruka mwauzimu? Ndi nkhombo zanji zinakhala na iye ninga ntumiki wakutumikira?

Nyimbo 85 na Phembero

Aphale, Mukusaka Mabasa M’mpingo?

¹ Khala mamuna asasaka mabasa m’mpingo, ‘asasirira mabasa adidi.’ (1 Tim. 3:1) Mafala anewa akupumirwa asawangisa abale toera kusaka miyai yakutumikira m’mpingo. Musafunika kukhala wathunga toera kucita pyenepi? Mwandimomwene, mphyadidi kusaka mabasa m’mpingo mbumuciri mphale. Mu njira ineyi munakwanisa kupfundziswa mbamukhala wakuthema toera kukhala ntumiki wakutumikira mungakula. (1 Tim. 3:10) Khala ndimwe mphale wakubatizwa, munakwanisa tani mabasa m’mpingo?

² **Kudzimana:** Kumbukani kuti mukusaka basa yadidi, tayu ya mbiri. Natenepa, kulisanii cifuno toera kuphedza abale anu na alongo. Njira yakucita pyenepi ndi kunyerezera citsandzo cadidi ca Yezu. (Mat. 20:28; Jwau 4:6, 7; 13:4, 5) Phembani Yahova toera akuphedzeni kupangiza cifuno kwa anango. (1 Akor. 10:24) Kodi munakwanisa kuphedza akukalamba panango atenda m’mpingo? Kodi musaperekka toera kugwanda maudzu, kutaya khuku na kutsalakana mabasa anango akusasanyira Nyumba ya Umambo? Kodi munakwanisa kuperekka toera kucita nkhanii pa Xikola ya Utumiki wa Mulungu khala mwanciro nkhabepo? Munadzaona kuti kuperekka kwanu toera kuphedza anango kunadzakucitisani kukhala wakutsandzaya.—Mach. 20:35.

1. Ndi ndzidzi upi aphale asafunika kutoma kuhatisira pitsogolero pinagumanika pa 1 Timoti 3:1?

2. Pinakwanisika tani kupangiza na kukulisa nzi-mu wakudzimana?

**Nakuti anthu apswa azinji
asabwera mu undimomwene,
pasafunika amuna
akuthema toera kutsalakana
mabasa a m’mpingo**

3 Kukola Mwauzimu: Mphyakufunika kakamwe kuna ntumiki wa m'mpingo kukhala wakukola mwauzimu kusiyapo kukhala na udziwisi wakupambulika peno maluso acibaliro. Munthu wakukola mwauzimu asayesera kucita pinthu m'maonero a Yahova na a Yezu. (1 Akor. 2:15, 16) Iye asapangiza makhaliro a 'nsapo wa nzimu.' (Agal. 5:22, 23) Asakhala m'mwazi mphangwa waphinga wakuti asaikha pifuno pya Umambo pa mbuto yakutoma. (Mat. 6:33) Munakwanisa kukulisa makhaliro auzimu mu kukhala na ndanda-nda yanu ya pfundziro. Pyenepi pisaphatanaiza kuleri Bhibhly ntsiku zonsene, kuleri revista ibodzi na ibodzi *A Sentinela* na *Despertar!*, na kuhunganyika toera kugumanika pa misonkhano ya mpingo. (Sal. 1:1, 2; Aheb. 10:24, 25) Pa kuwangisa mphale Timoti toera kuthambaruka mwauzimu, Paulu alemba: 'Cita mphole na mapfundzisiro ako.' (1 Tim. 4:15, 16) Natenepa, khunganyikani mwadi-di mungapaswa nkhani pa Xikola ya Utumi-ki wa Mulungu. Khunganyikani toera kuenda mu utumiki ndzidzi onsenene. Khalani na pi-funo pyauzimu ninga upainiya, kutumikira ku Beteli peno kuenda ku Xikola ya Bhibhly kwa Abale Akukhonda Kumanga Banja. Kukola mwauzimu kunadzakuphedzani 'kuthawa pinasirira aphale.'—2 Tim. 2:22.

4 Kunyindirika na Kukhulupirika: Abale adasankhulwa toera kugawa cakudya kwa Akristu mu pyaka dzana yakutoma akhali na mbiri yadidi, mwandimomwene akhadziwika thangwi ya kunyindirika na kukhulupirika kwavo, natenepa apostolo nee akhadzudzumika kuti basa mbidacitwa tani. Pyenepi pyaacitisa toera kucita mabasa anango akufunika. (Mach. 6:1-4) Natenepa, mungapaswa basa m'mpingo iciteni na maluso anu onse-ne. Sangizirani Nowa, wakuti mwacidikhodikho atowezera pitsogolero pidapaswa iye toera kumanga cimwadiya. (Gen. 6:22) Ku-khulupirika na kukola mwauzimu ndi kwaku-funika kwa Yahova.—1 Akor. 4:2; onani bokosi "Maphindu Akupfundzisa Anango."

3. Thangwi yanji kukola mwauzimu ndi kwaku-funika, mphapo kunakwanisika tani?
4. Thangwi yanji kunyindirika na kukhulupirika ndi kwaku-funika?

5 Ninga pyalongwa m'maprofesiya, Yahova akucimbisia kugumanya anthu. (Iza. 60:22) Medya ya anthu 250.000 asabatizwa pa caka cibodzi na cibodzi. Nakuti anthu apswa azinji asabwera mu undimomwene, pasafunika amuna akuthema toera kutsalakana mabasa a m'mpingo. Mwakusiyana na kale, cincino kuna pizinji pyakucita m'basa ya Yahova. (1 Akor. 15:58) Aphale, mukusaka mabasa m'mpingo? Khala nditene po mukufuna basa yadidi!

5. Thangwi yanji aphale Acikristu asafunika kusa-ka mabasa m'mpingo?

Maphindu Akupfundzisa Anango

Aphale Acikristu asaphindula akulu a mpingo angaapasa mabasa na kuapfundzisa. Pakumala mapfundziro, muyang'aniri wa cisa akhali nawa pa platifomu mbakapereka ciwangiso kuna m'mwazi mphangwa. Muyang'aniri wa cisa aona mphale m'bodzi akhali dzololo cifupi na iwo, natenepa, muyang'aniri wa cisa abvundza mphale unoyu, khala akhadikhira toera kulonga na iye. Mphale atawira kuti apaswa basa toera kupswaira platifomu pakumala kwa misonkhano. Anyakubalace akhadakhunganyika toera kuenda, mbwenye iye nee akhafuna kuenda mbadzati kucita basa yace.

Mwakutsandzaya muyang'aniri wa cisa abuluka pa platifomu, mbasimba: "Akulu a mpingo unoyu akhali dzololo toera kupfundzisa aphale Acikristu mu kuapasa mabasa m'mpingo. Ninga maphindu, kukhali kwakudzolowereka kwa iwo kusankhula a mphale Acikristu toera kukhala atumiki akutumikira mu ndzidzi ukhacedzera ine mpingo."

Ntsonga Zikulu za Basa ya M'Munda

Kutomera nthanda ya Madzalo mudakhazikiswa nsoka wakusasanyira Nyumba za Umambo kawiri pa caka, wakuti usapfundzisa anthu, Nyumba za Umambo zakukwana 48 zasasanyirwa. Ngakhale kuti ndzidzi unaphatisirwa m'basa ineyi nee usare-rekwa ninga lipoti ya basa ya m'munda, mbwenye kusasanyira Nyumba zathu za Umambo ndi basa yakucena yakuti ingaphatanizwa na mphinga yathu m'basa ya m'munda isapasa mbiri Yahova na isacitisa anango kudziwa ulambiri wandimomwene.

SUMANA 22 YA MALUWA

Nyimbo 22 na Phembero

❑ Pfundziro Ya Bhibhlya Ya Mpingo:

Iv nsolo 13 ¶1-4, mabokosi pa matsa. 148-149, 158-159 (mph. 30)

❑ Xikola Ya Utumiki Wa Mulungu:

Kuleri Bhibhlya: Machitiro 22-25 (mph. 10)

N.º 1: Machitiro 22:17-30 (mph. 4 peno zakucepa)

N.º 2: Ndi Mu Njira Zipi Zakuti Tinakwanisa Kulonga Kuti Tiri Mu Dziko Mbwenye Nkhabbe Kucita Khundu Ya Dziko?—Jwau 17:15, 16 (mph. 5)

N.º 3: Kodi Ciomboli Cisabvekanji Kwa Imwe?—bh nsolo 5 ¶14-17 (mph. 5)

❑ Nsonkhano Wa Basa:

Nyimbo 41

Mph. 10: Muli Wakuhunganyika Toera Ku-thimbana na Mipingizo Kuxikola? Nkhani yakucedza. Phembani anyakubvesera toera kulonga mipingizo mingasi inathimbana na aphale na atsikana Acikristu kuxikola. Longani kuti anyakubala anaphatisira tani *Índice*, buku ya *Os Jovens Perguntam*, Web site yathu, na mabukhu athu anango pa kulambira kwa banja toera kuhunganya anapiana kuthimbana na mipingizo ya kuxikola. (1 Ped. 3:15) Sankhulanisong ibodzi peno ziwiri, longani mphangwa zinango zakuphedza zinagumanika m'mabukhu athu. Phembani anyakubvesera toera kulonga kuti aperekira tani umboni mu ndzidzi ukhafundza iwo.

Mph. 20: “Njira Zipswa Zakupereka Umbo-ni Wapakweca.” Mibvundzo na mataviro. Longani pya masasanyiro a pa cisa akuti mpingo uli nawo toera kupereka umboni wapakweca mu kuphatisira meza peno karinya yakuikhira mabukhu, pontho longani pyakugumana nappyo pyakutsandzayisa.

Nyimbo 95 na Phembero

Njira Zipswa Zakupereka Umbo-ni Wapakweca

¹ Akristu a pyaka dzana yakutoma acita pizinni kusiyapo kumwaza mphangwa nyumba na nyumba. Iwo aperekambo umboni wapakweca. (Mach. 20:20) Mwacitsando, iwo akhenda ku templo toera kugumana anthu azi-

1. Ndi citsando cipi cidakhazikisa Akristu a pyaka dzana yakutoma?

nji. (Mach. 5:42) Mu ndzidzi ukhali Paulu ku Atena, iye akhamwaza mphangwa ntsiku zonsene m'mbuto zamalonda. (Mach. 17:17) Lero, njira yathu yakutoma toera kumwaza mphangwa zadidi ikupitiriza kukhala utumiki wa nyumba na nyumba. Kusiyapo njira ineyi, tisamwazambo mphangwa m'mbuto zakuko-tera miotokala, zamalonda, maparki, m'miseu mikulu ya mu nzinda na mbuto zinango na cifuno ca cakumwaza mphangwa konsene kunagumanika anthu. Nakuti amwazi mphangwa onsene asawangiswa toera kupereka umboni wapakweca m'mbuto zakukwaniska, azinji anadzakhala na mwai wakucita khundu mu njira ziwiri zipswa zakupereka umboni wapakweca.

² Umboni Wapakweca M'mizinda Yakuti

iri na Anthu Azinji: Ninga pyalembwa mu Anuário das Testemunhas de Jeová de 2013 matsamba 16 na 17, njira zipswa zakupereka umboni wapakweca zatoma mu nzinda wa Nova York mu caka ca 2011 mu nthanda ya Bingu. Meza na makarinya akubalikisa mwadidi toera kuikha mabukhu a pilongero pyakusiyana-siyana akuti akhaikhwa m'mbuto za mizinda zakupita anthu azinji asafamba na miyendo. Ntsiku zonsene pikwi pya anthu asafamba, mbapita na mbuto ineyi, kuphataniza azinji anakhala nyumba zakuti zisaying'anirwa na ale akuti kazinji kene nkhabbe gumanika panyumba. Maphindu akhali akuti azinji apangiza cifuno ku mabukhu athu. Mu nthanda ibodzi basi kwa gawirwa marevista 3.797 na mabukhu 7.986. Azinji akhagwanda na njira akhaphemba pfundziro ya Bhibhlya. Nakuti cifuno cikulu cikhali kutomesa mapfundziro a Bhibhlya, mbuto zonsene zikhasiyiwa na ale akhapangiza cifuno zikhatumizwa mwakucimbiza ku mpingo wacifupi toera kuthimizira cifuno ca munthu unoyu.

³ Nakuti njira ineyi isabweresa maphindu, cincino ikumwazikambo mu dziko yonse-ne yapantsi m'mbuto zinango zakuti iri na anthu azinji. Ofesi ya filiali inadzaona kuti ndi mizinda ipi yakuti mbidaphindula na njira ineyi. Kazinji kene, ineyi ndi mizinda yakuti iri na miotokala mizinji, maofesi peno nyumba zizinji, pontho anthu azinji asafamba na

2. Ndi njira ipi yakupereka umboni idatoma mu nthanda ya Bingu ya 2011?
3. Kodi njira ineyi ikumwazika tani?

miyendo. Natenepa, ofesi ya filiali inadzapita n'cibverano na mipingo inafuna kucita khundu na kupereka pitsogolero. Kazinji kene anaphatisirwa ndi apainiya a ndzidzi onsenet na akupambulika, ngakhale kuti m'mbuto zinango apainiya akuphedza anakwanisambo kucita khundu m'basa ineyi.

⁴ Umboni Usaperekwa Tani: Ale anacita khundu m'basa ineyi yakupambulika kazinji kene asadikhira munthu abwere cifupi na meza peno karinya. Munthu angafendedzera cifupi, iye asamphemba toera akwate bukhu inakomerwa na iye. Mwakukomerwa apainiya asatawira mibvundzo yonsene kubulukira m'Malemba. Khala munthu akwata buku, apainiya nee asalonga pya masasanyiro a cakuperekwa. Mbwenye khala munthu asafuna kudziwa kuti basa yathu isaphedzerwa tani, iwo anakwanisa kufokotoza kuti pyakuperekwa pisatumizwa ku mbuto zinagumanika m'bukhu. Pingakwanisika iwo asabvundza: "Musafuna munthu toera akucedzereni kuyumba kwanu?" peno "Musadziwa kuti tisagawirambo mapfundziro a Bhibhly a ukukhonda lipa kubulukira m'bukhu ineyi?"

⁵ Kucita basa ineyi kwakhala kwakuphindulisaka kakamwe. Anyakumanga banja anango alemba: "Kuimira pa meza na kuona ntsiku zonsene pikwi pya anthu mbagwanda pa mbuto ineyi kwakhuya mitima yathu kuti basa ikulu ikucitwa toera kulonga na anthu onsenet pa dziko yapantsi. Kuona mwinji uno-yu wa anthu na kunyerezera kuti Yahova mwandimomwene asatsalakana tani munthu payekha kwawangisa cifuno cathu toera kuptitiriza kuikha pa mbuto yakutoma basa yaku-mwaza mphangwa mu umaso wathu. Tanyerezera kuti Yahova asadinga mitima yonsene ya ale anapita cifupi na meza mbakasaka ale akuthema. Pontho tapibva ninga tiri kuphe-dziwa na aanju.

⁶ Umboni Wapakweca Wakukhunganya pa Mpingo: Kusiyapo basa yakupa-

4. Kodi basa ineyi yakupambulika isacitwa tani?
5. Ndi maphindu api adakhala na anyakumanga banja mu kucita khundu m'basa ineyi?
6. (a) Ndi masasanyiro api anango aumboni wapakweca akucitwa m'mipingo mizinji, na ndi akusiyana tani na umboni wapakweca m'mizinda yakuti iri na anthu azinji? (b) Kodi mipingo inabverana tani pakuperekwa umboni wapakweca?

mbulika ya umboni wapakweca, masasanyiro mapsa akucitwa na misoka ya akulu a mpiingo toera kupereka umboni wapakweca mu pisa pyawo. Mwa masasanyiro anewa, amwazi mphangwa asaphatisira meza peno karinya m'mbuto zinapita na anthu azinji *m'madire a pisa pya mpingo*. Pyenepi ndi pyakusiyana na basa yakupambulika ya umboni wapakweca m'mizinda yakuti iri na anthu azinji, yaku-ti amwazi mphangwa asabuluka m'mipingo mizinji toera kumwaza mphangwa m'mbuto ibodzi ya mwinji wa anthu mu nzinda udasan-khulwa na ofesi ya filiali.—Onani bokosi "Kubverana Ndi Kwakufunika."

⁷ Akulu a mpingo anadzadinga pabodzi

7. M'mbuto zakuti ndi zakuthema, kodi akulu a mpingo anacita tani masasanyiro toera kupereka umboni wapakweca pa cisa?

Kubverana Ndi Kwakufunika

Pyalongwa kuti midzidzi inango amwazi mphangwa a mpingo yacifupi asaperekwa umboni wapakweca mu nseu ubodzi ene, m'mbuto ibodzi ene yakukoyeria miotokala, ya malonda peno mbuto zakunjipa miotokala. Amwazi mphangwa a mpingo yakusiyana asagawira marevista pa mbuto ibodzi ene, mu sala yakudikhira, peno asamwaza mphangwa m'mbuto zibodzi zene za malonda. Midzidzi inango, pyenepi pisacitisa anyamalonda na anyakuendekana kuhala akupirwa, ngakhale kuti amwazi mphangwa nee akucita basa mu ndzidzi ubodzi ene. Natenepa, mphyadidi *kuphata basa mu cisa ca mpingo wanu* mu ndzidzi unaperekwa imwe umboni wapakweca.

Khala amwazi mphangwa asafuna kupereka umboni wapakweca mu cisa ca mpingo wacifupi, iwo asafunika kulonga na tuyang'aniri wa basa ya m'munda. Iye anapita n'cibverano na tuyang'aniri wa basa ya m'munda wa mpingo unango toera kutawiriswa. Mipingo ya pilongero pyakusiyana yakuti isamwaza mphangwa mu cisa cibodzi cene, ayang'aniri a basa ya m'munda asafunika kupita n'cibverano toera kucalira kucitisa anthu kuipirwa. Mu kubverana mwadidi, pinthu pyonsene 'pinacitwa mwakuthema na mwakundendemera.'—1 Akor. 14:40, Chibverano Chachinchino.



khala pisa pya mpingo piri na mbuto zakuti ziri na anthu azinji, mbatonga khala ndi pyakuthema kucita masasanyiro akupereka umboni wapakweca. Meza peno karinya isafunika kuikhwa m'mbuto zakuthema zakuti ziri na miotokala mizinji, mbuto zamalonda, maparki, miseu mikulu, maloja mang'o-no, maxikola, mbuto zinaphama ndeka, na mbuto zinacitirwa misonkhano ya dziko. Pana phindu yakuikhwa meza pa mbuto ibodzi ene, mu ntsiku zibodzi zene, na m'midzidzi ibodzi ene. Pisaoneka kuti meza zinaikhwa m'maloja mang'o-no zisabweresa maphindu kakamwe kusiyapo zire zinaikhwa pa mbuto yakuti pana loja ibodzi ikulu, mbuto zakuti kazinji kene anthu asaikha manyerezero awo toera kupita loja ineyi basi. Mbuto zinango, ninga zinamamba anthu na miyendo, zinakhala zakuphedza kakamwe kuphatisira karinya ing'ono toera kuikhira mbukhu. Akulu a mpingo anakwansa kucita download mu Web site yathu maarkivo akupambulika toera kuikhwa marevista *A Sentinel* na *Despertai!* na buku *Biblya Isapfunzisanji*. Maarkivo anewa asasanywa basi ene toera kuphatisira pakupereka umboni wapakweca. Ale anacita khu-

ndu anadzacita basa mu njira ibodzi ene ninga ale anaphata mizinda yakuti iri na anthu azinji, pontho asafunika kutowezerwa pitso-golero pya muyang'aniri wa basa ya m'munda. Iwo angapaswa mbuto na munthu adapangiza cifuno wakuti nee asakhala mu cisa cawo, mwakucimbiza, iwo asafunika kulemba pa formularyu *Queira Visitar* (S-43) mbapa-sa mulembi wa mpingo.

8 Umboni Wapakweca mu Utumiki

Wanu: Panango, mpingo inango nkhabé mbuto mu cisa cawo zinagumanika anthu azinji akufamba na miyendo toera kuphatisira meza peno karinya ing'ono yakuikhira mbukhu. Natenepa, ngakhale m'mipingo ineyi, amwazi mphangwa asawangiswa toera kupe-reka umboni wapakweca mu utumiki wawo. Kodi mu cisa canu muli na maloja akuti asadzala anthu? Muli na parki peno mbuto zakuti anthu asagumanika pabodzi pene? Muli na mbuto zakuti zisacitirwa misonkhano ya dziko? Khala ndi tenepo, pitirizani kupereka umboni wapakweca.

9 Ndi cifuno ca Yahova kuti 'anthu onsene apulumuke, adziwembo mapfundzisiro adidi.' (1 Tim. 2:4) Natenepa, tisa-yesera kulonga na anthu azinji pya mphangwa za Umambo, kumala mbakudzati kufika. (Mat. 24:14) M'mbuto zizinji ndi kwakunentsa kugumana anthu panyumba. Mbwenye, tinakwanisa kulonga nawo mu ndzidzi wakuti iwo nee ali panyumba m'mbuto zapakweca. Panango, umboni wapakweca ndi njira ibodzi basi yakuti anthu anango anadzakhala na mwai wakubva mphangwa zadidi. Na thangwi ineyi, tinakwanisa kukwanirisa utumiki wathu mu kumwaza mphangwa konsene kunagumanika anthu.—2 Tim. 4:5.



8. Khala m'mpingo mwanu nkhabé masasanyiro toera kupereka umboni wapakweca, kodi ndi miyai ipi iripo toera kupereka umboni wapakweca?
9. Thangwi yanji tisafunika kune-rezera kumwaza mphangwa konsene kunagumanika anthu?

SUMANA 29 YA MALUWA

Nyimbo 51 na Phembero

❑ Pfundziro Ya Bhibhly Ya Mpingo:

/v nsolo 13 ¶5-15, bokosi pa tsa. 150 (mph. 30)

❑ Xikola Ya Utumiki Wa Mulungu:

Kuleri Bhibhly: Machitiro 26-28 (mph. 10)

N.º 1: Machitiro 26:19-32 (mph. 4 peno za-kucepa)

N.º 2: Munapereká Tani Takhuta Ku Ciomboli?—bh nsolo 5 ¶18-22 (mph. 5)

N.º 3: Njira Zakuti Nzimu Wa Mulungu Usaphata Basa Mwa Atumiki Ace—Agal. 5: 22, 23; Apok. 22:17 (mph. 5)

❑ Nsonkhano Wa Basa:

Nyimbo 96

Mph. 10: Pakumwaza Mphangwa Longani Mwacibaliro. Nkhani yakucedza yakubulu-swa m'bukhu ya *Escola do Ministério* tsamba 128 ndima 1, mpaka tsamba 129 ndima 1. Bvun-dzani mwacigwagwa m'mwazi mphangwa wakukola mwauzimu ule adakunda nthedza. Kodi ndi ninji pinamphedza toera kuhonda kuhala wakupswipa ntima kakamwe mu utumi-ki?

Mph. 10: Bokosi Ya Mibvundzo. Nkhani ya-kucedza yakucitwa na nkulu wa mpingo.

Mph. 10: Pangizani Kukhala Ana a Baba Wanu. (Mat. 5:43-45) Nkhani yakucedza ya-kubuluswa mu *Anuário de 2013*, tsamba 89 ndima 3, mpaka tsamba 90 ndima 1, na tsamba 164 ndima 1. Phembani anyakubvesera toera kulonga pidapfundza iwo.

Nyimbo 80 na Phembero

BOKOSI YA MIBVUNDZO

■ M'mwazi mphangwa mbadzati ku-themea toera kubatizwa, pasafunika kumala midzidzi mingasi mbakagumanika pa misonkhano ya mpingo na kucita khundu mu utumiki?

Kubatizwa ndi cisankhulo cakufunika kakame we cakuti munthu anakwanisa kucicita. Natenepa, munthu mbadzati kuthema toera kubatizwa, iye asafunika kuhala na cidziwiso cakulinganira ca pinthu pinafuna Mulungu kuna iye. Kusiyapo pyenepi, iye asafunika kupangiza kutonga kwace toera kuphatisira midida ya Mulungu.

Akristu asabvera ntemo wakuhonda kusya-ka kusonkhana pabodzi, natenepa, m'mwazi mphangwa wakuhonda kubatizwa asafunika kuhala waphinga mu kugumanika pa misonkhano ya mpingo. (Aheb. 10:24, 25) Iye asafunikambo kutawira pa misonkhano. Panganjo, asafunika kulembesa pa Xikola ya Utumi-ki wa Mulungu, ngakhale kuti nee pisaphemba.

Nakuti Akristu apaswa basa yakumwaza mphangwa zadidi na kucita anyakupfundza, m'mwazi mphangwa wakuhonda kubatizwa asafunika kucita khundu mu utumiki mwakuhonda phonya mbadzati kubatizwa. (Mat. 24:14; 28:18, 19) Kodi iye asafunika kumala nthanda zingasi mbakamwaza mphangwa

mbadzati kubatizwa? Mwandimomwene, iye asafunika kuhala na ndzidzi wakuthema toera apangize kuti ndi waphinga mu utumiki mu nthanda zonsene. (Sal. 78:37) Mbwenye, nee pasafunika kupita ndzidzi wakulapha kuto-mera pa ndzidzi udatoma iye kumwaza mphangwa mpaka kuthema kubatizwa, pango nthanda zakucepa. Kodi asafunika ku-pe-reka midzidzi mingasi ya basa ya m'munda? Nkhabepo miyambo yakuhazikiswa. Aku-lu a mpingo asafunika kucita mwakulingani-ra pakudinga makhaliro akuthema a m'mwazi mphangwa m'bodzi na m'bodzi.—Luka 21: 1-4.

Akulu a mpingo (peno atumiki akutumikira a m'mipingo yakuti akulu a mpingo ndi akucepa) ale anagumana na anafuna kubatizwa asafunika kukumbuka kuti anthu onsene ndi akusiyana, natenepa asafunika kuona mwadi-di pakusankhula munthu toera kubatizwa. Iwo asafunkira kuona khala iye ali na cifuno candimomwene cakukhala m'bodzi wa Mbo-ni za Yahova na kupangiza cilemedzo thangwi ya mwai uli na iye wakuhala mu gulu ya Ya-hova na kumwaza mphangwa. Akulu asadzi-wa kuti iye nee akola mwauzimu peno nee ali na maluso a m'mwazi mphangwa wakubati-zwa. Khala iye nee athema kubatizwa akulu a mpingo asafunika kundziwisa mwaufuni mu kuphatisira Malemba na kumphedza toera ku-pitiriza kutambira ciphedzo cauzimu.

Pangizani Kukhala Ana A Baba Wanu

Mphangwa izi zabuluswa mu Anuário das Testemunhas de Jeová de 2013

Myanmar

Tsamba 89 ndima 3, mpaka tsamba 90 ndima 1

Apainiya Acipapo

Fred Paton alonga: "Mu pyaka pinai pikakhala ine mu dziko ya Birmânia, ndamwaza mphangwa m'mbuto zizinji za dziko ineyi. Mu ndzidzi unoyu ndaphatwa na utenda wa malaria, kuphandza, na nyatwa zinango za ungumi. Pakumala kwa ntsiku m'basa ya m'munda, kazinji kene nee ndikhali na mbuto toera kugona. Mbwenye, ndzidzi onsene Yahova akhatsalakana pifuno pyanga, ponho andikoya kubulukira mwa mphambvu yace." Frank Dewar, mamuna wakupirira wa ku Zelandiya alonga: "Ndathimbana na maphanga, anthu akupanduka na anyakutonga akudzikuza. Mbwenye kazinji kene ndadzindikira kuti ndinakwanisa kuthimbana na mipingizo ndingakhala na makhaliro adidi ninga kucepeseka, kulekerera na kukoma ntima. Azinji akhaona kuti Mboni za Yahova ndi anthu adidi."

Apainiya enewa akhali akusiyana na alendo anango akhali mu dziko ineyi akuti kazinji kene akhapwaza anthu a pa cisa. Apainiya apangiza cilemedzo na ufuni. Makhaliro awo adidi na kucepeseka kwakhuya mitima ya anthu a ku Birmanes akuti akhatawira mphangwa na cilemedzo tayu mwacipwazo. Kubulukira m'mafala na macitiro awo, apainiya enewa apangiza kuti Mboni za Yahova ndi Akristu andimomwene.—Jwau 13:35.

Tsamba 164 ndima 1

Conzi ca Nargis

Tobias Lund m'bodzi wa nsoka wa basa yakuphedza alonga: "Ine na nkazanga Sofia tagumana May Sin Oo, ntsikana wa pyaka 16 wakuti akhali ekhene ninga m'mwazi mphangwa pa banja yawo mbakaumisa Bhibhlya yace pa duwa pakati pa magolomondo a nyumba yawo. Mudationa iye, atoma mwetulira, mbwenye misozi ikhabuluka m'maso mwace. Mwakucimbiza nsoka wakumanga nyumba wafika na pyapeu, mafaramento toera kumanga nyumba ya banja ineyi. Anyakuendekana awo akhali akudzumatirwa. Ponho anthu akhala ntsiku zingasi mbakaona kumangwa kwa nyumba ineyi, yakuti yadzakhala yakubalika kakamwe pa cisa. Pyenepi pyakhuya kakamwe anthu a cisa ceneci mbalonga kuti: 'Ife cipo taona pinthu ninga pyenepi! Gulu yanu ndi yakubverana na ya ufuni. Tisafunambo kuhala Mboni za Yahova.' Anyakubala a May Sin Oo na abale ace ang'ono asagumanika pa misonkhano, ponho banja yawo yonsene ikukula mwauzimu."

SUMANA 5 YA MALIMWE

Nyimbo 77 na Phembero

❑ Pfundziro Ya Bhibhlya Ya Mpingo:

/v nsolo 13 ¶16-26, bokosi pa tsa. 156 (mph. 30)

❑ Xikola Ya Utumiki Wa Mulungu:

Kuleri Bhibhlya: Aroma 1-4 (mph. 10)

N.º 1: Aroma 3:21-4:8 (mph. 4 peno zaku-cepa)

N.º 2: Thangwi Yanji Akristu Andimomwe-ne Asapiona Okhene Kukhala "Atami Na Ale-nido" Mu Dziko.—1 Ped. 2:11; 1 Jwau 2:15-17 (mph. 5)

N.º 3: Kodi Ninji Pinacitika Kwa Ife Tikafa? —bh nsolo 6 ¶1-8 (mph. 5)

❑ Nsonkhano Wa Basa:

Nyimbo 79

Mph. 10: Maonero Toera Kugawira Marevis-ta Mu Nthanda Ya Malimwe. Nkhani yakucedza. Phatisirani masegudo 30 peno 60 toera kulonga thangwi yanji marevista anadzakhala akutundusa mu cisa canu. Mungamala, phati-sirani nsolo wa revista *A Sentinela*, phembani anyakubvesera kuti alonge mibvundzo yakuti inacitisa cifuno, buluka penepo phembani ma-onero a lemba toera kuleri pakugawira mare-vista. Citani pibodzi pyene na misolo yakutoma ya revista *Despertai!* khala ndzidzi ulipo phembani kuti alonge nsolo unango wa mu *A Sentinela* peno *Despertai!*. Pangizani kuti revista ibodzi na ibodzi inagawirwa tani.

Mph. 10: Pyakufuna pyapampingo.

Mph. 10: Tisapfundzanji? Nkhani yakucedza. Phembani anyakubvesera toera kuleri Luka 5: 27-32. Dingani kuti mavesi anewa anatiphedza tani mu utumiki wathu.

Nyimbo 119 na Phembero

Pidziwiso

■ Mabukhu anafuna kugawirwa mu nthanda ya **Maluwa na Malimwe:** Phatisirani ibodzi mwa ma-bruxura awa, *Mphangwa Zadidi Za Mulungu!, Bverani Mulungu peno Bverani Mulungu toera Mukha-le Kwenda na Kwenda* toera kutomesa pfundziro ya Bhibhlya. **Nyenzi na Malandalupya:** Marevista *A Sentinela* na *Despertai!* **Bingu na Mainza:** *Mphangwa Zadidi* N.º 38. Khala mpingo wanu wagawira-kale *Mphangwa Zadidi* N.º 38 mu cisa consene ka-mpanya mbidzati kumala, phatisirani bukhu *Kodi Mwandimomwene Biblya Isapfunzisanji?* peno ma-tratado akuti alipo pa mpingo.

■ Khala mudzati kupicita, tikukumbusa mipinga toera kudinga kobiri inaperekwa toera kumanga Nyumba za Umambo. Onani tsamba idatumizirwa akulu a mpingo ya 29 de Maio de 2010.

■ Tiri akutsandzaya kukudziwisani kubuluswa kwa *A Sentinela* ya misolo yakubvunganizikana, mu Ci-sena. Kubuluswa kweneku kunadzatoma na *A Sentinela* 1.º de Setembro de 2013. *A Sentinela* ineyi inadzakhala na misolo inafuna kudzapfundzwa pa Pfundziro ya *A Sentinela*, pontho inadzakhalambo na misolo yakufunika kwa anthu onsene. Maphe-mbo *A Sentinela* ineyi toera kuphatisira munthu pa-ekha peno kugawira mu utumiki asafunika kucitura mwakucimbiza kubulukira m'mpingo.

Njira Za Maperekero Aumboni

Toera Kutomesa Mapfundziro a Bhibhlya pa Sabudu Yakutoma mu Nthanda ya Malimwe

"Anthu onsene asaphembera mu ndzidzi ubo-dzi ene peno wakusiyana. Ngakhale ale anakhonda kukhalapo kwa Mulungu asaphembera pa ndzidzi wa nyatwa. Musanyerezera kuti Mulungu asabve-sera maphembero onsene?" Dikhirani ntawiro. Pangizani tsamba yakumalisa ya *A Sentinela* ya 1.º de Agosto, dingani pabodzi mphangwa zinagumanika pa mbvundzo wakutoma, pontho lerini lemba ibo-dzi mwa malemba anagumanika mu ndima ineyi. Perekani marevista, pontho citani masasanyiro akubwerera toera kudinga mbvundzo unatowerera. *Cidzindikiro: Citsando ceneci cisafunika kupangi-zwa pa nsonkhano wa basa ya m'munda, ntsiku 3 ya nthanda ya Malimwe.*

A SENTINELA ® 1.º de Agosto

"Tiri kucedza na anthu thangwi azinji asadzu-dzumika na kumwazika kwa ucipezipezi. Natenepa, anango asaona ucipezipezi ninga ubalangazi wakuphekesa. Ndi api maonero anu? [Dikhirani ntawiro.] Yezu alonga kuti tinakwanisa kudzi-wa khala cinthu ndi cadidi kubulukira ku misapo yace. [Lerini Mateo 7:17.] Revista iyi isalonga pya misapo inabalwa na ucipezipezi. Pontho isapereka njira zadidi toera kusya kuona ucipezipezi."

Despertai® de Agosto

"Azinji mwa ife asafuna kukhala na umaso mu ndzidzi wakulapha. Musanyerezera kuti ntsiku ibo-dzi kuthambaruka kwa siyensiya kunacitisa toera tikhale kwenda na kwenda? [Dikhirani ntawiro.] Onani pikiro iyi yakutsandzayisa. [Lerini 1 Ako-rinto 15:26.] Kodi Mulungu anadzakwanirisa pye-nepi kubulukira mu siyensiya peno mu njira zi-nango? Thangwi yanji ife cincino tisakalamba na kufa? Revista iyi isapangiza matawiyo a Bhibhlya ku mibvundzo ineyi."

